

四庫全書

史部

欽定四庫全書

國語卷十八

吳 韋昭 注

楚語下

昭王問於觀射父

昭王楚平王之子昭王熊軫也觀射父楚大夫也

曰周書所

謂重黎實使天地不通者何也

周書謂周穆王之相甫侯所作呂刑也重黎顓

頊掌天地之臣也呂刑曰乃命重黎絕地天通謂少皞之末民神離揉不可方物顓頊受之乃命南正重司天以屬神火正黎司地以屬民
謂絕地與天相通之道也
若無然民將能登天乎
若重

黎不絕天地民
豈能上天乎

對曰非此之謂也古者民神不雜

雜會也謂

司民司神
之官各異

民之精爽不惱貳者而又能齊肅衷正

爽明也惱

離也貳二也齊一
也肅敬也衷中也

其知能上下比義

義宜也

其聖能光遠

宣朗

聖通也
朗明也

其明能光照之其聰能聽徹之

徹通也

如是

則明神降之

降下也

在男曰覲在女曰巫

巫覲見鬼者周
禮男亦曰巫

是使制神之處位次主

處居也位祭位也次
主次其尊卑先後也

而為之牲

器時服

牲牲之毛色小大也器所當
用也時服四時服色所宜也

而後使先聖之後

之有光烈

烈明也

而能知山川之號

號名位也

高祖之主

高祖廟之

先也宗廟之事昭穆之世父昭子穆先後之次也春秋躋僖公謂之逆祀齊敬之

勤齊莊也禮節之宜威儀之則容貌之崇崇飾也忠信之質

質誠也禋潔之服潔祀曰禋而敬恭明神者以為之祝祝太祝也掌祈

福使名姓之後能知四時之生名姓謂舊族若伯夷炎帝之後為堯秩宗生嘉

穀非耶之屬犧牲之物玉帛之類采服之儀彝器之量彝器六

俎豆量大小也次主之度疏數之度屏攝之位周氏云屏者并攝主

也攝形如令要扇皆所以分別尊卑為祭祀之位近漢亦然壇場之所除地曰場上下之

神祇氏姓之所出所自出也而心率舊典者為之宗宗宗伯也掌祭

祀之禮於是乎有天地神民類物之官謂之五官類物謂別善惡

利器用之官各司其序不相亂也民是以能有忠信神是以

能有明德明德謂降福祥不為灾孽也民神異業業事也敬而不瀆故

神降之嘉生嘉生善物也民以物享禍灾不至求用不匱及

少皞之衰也九黎亂德少皞黃帝之子金天氏也九黎黎氏九人也民神雜

糅不可方物同位故雜糅方猶別也物名也夫人作享家為巫史夫人人

也享祀也巫主接神史次位序言人人自為之無有要質質誠也民匱于祀而不

知其福言民困匱於祭祀而不獲其福烝享無度民神同位民瀆齊盟

無有嚴威

齊同也嚴敬也威畏也

神狎民則不蠲其為

狎習也則法也蠲潔

也其為所為也

嘉生不降無物以享禍灾荐臻莫盡其氣

荐重也臻

至也氣壽命之氣

顓頊受之

少皞氏沒顓頊氏作受承也

乃命南正重司天

以屬神

南陽位正長也司主也屬會也所以會羣神使各有分序不相干亂也周禮則宗伯掌祭祀

命火正黎司地以屬民

唐尚書云火當為北北陰位也周禮則司徒掌土地人民也

使復舊常無相侵瀆

侵犯也

是謂絕地天通

絕地民與天神相通之道

其後三苗復九黎之德

其後高辛氏之季年也三苗九黎之後也高辛氏衰三苗為亂

行其凶德如九黎之為也堯興而誅之

堯復育重黎之後不忘舊者使復

典之

育長也竟繼高辛氏平三苗之亂紹育重黎之後使復興典天地之官羲氏和氏是也

以至于

夏商故重黎氏世叙天地而別其分主者也

叙次也其分位也

在周程伯休父其後也當宣王時失其官守而為司馬

氏

程國也伯爵也休父名也失官守謂失天地之官而以諸侯為大司馬詩曰王謂尹氏命程伯休父是也

寵神其祖以取威于民曰重實上天黎實下地

寵尊也言休父

之後世尊神其祖以威耀其民言重能舉上天黎能抑下地令相遠故不復通也

遭世之亂而

莫之能禦也

亂謂幽平以下也禦謂止也

不然夫天地成而不變

言天

地體成不復改變也

何比之有

言不相比近也

子期祀平王

子期楚平王之子結也平王恭王子昭王父也

祭以牛俎於王

致牛

俎於昭王

王問於觀射父曰祀牲何及

王感俎肉而問牲何所及

對曰祀

加於舉

加增也舉人君朔望之盛饌

天子舉以大牢祀以會

大牢牛羊豕也

會會三大牢舉四方之貢

諸侯舉以特牛祀以大牢

特一也

卿舉以少

牢祀以特牛

少牢羊豕

大夫舉以特牲祀以少牢

特牲豕也

士食

魚炙祀以特牲庶人食菜祀以魚上下有序民則不慢

王曰其小大何如對曰郊禘不過薦栗

角如薦栗郊禘祭天也

烝

嘗不過把握

握長不出把者

王曰何其小也對曰夫神以精明

臨民者也故求備物不求豐大

備物體具而精潔者

是以先王之

祀也以一純二精

一純心純一而潔二精玉帛也

三牲四時五色六律

七事八種

七事天地民四時之務也八種八音也

九祭十日十二辰以致

之

九祭九州助祭也十日甲至癸也十二辰子至亥也擇其吉日令辰以致神

百姓千品萬

官億醜兆民經入咳數以奉之

百姓百官受氏姓也千品姓有微品十為千品

五物之官陪屬萬為萬官官有十醜為億醜天子之田九畝以食兆民王取經入以食萬官也

明德以

昭之

昭昭孝敬也

和聲以聽之

中和之聲使神聽之

以告徧至則無不

受休

至神至也休慶也

毛以示物

物色也

血以告殺

明不故也因

接誠

拔取以獻具為齊敬也

接誠於神也拔毛取血獻其備物也齊潔也詩曰執其鸞刀以

啟其毛取其血

敬不可久民力不堪故齊肅以承之

肅疾也承奉也

王曰芻豢幾何

草食曰芻穀食曰豢

對曰遠不過三月近不過浹

日

遠謂三牲近謂雞鶩之屬浹日十日也

王曰祀不可以已乎

已止也

對曰

祀所以昭孝息民

昭孝養使民蕃息也

撫國家定百姓也不可以

已夫民氣縱則底

氣志氣也縱放也底著也

底則滯滯久不震

滯廢也震

懼也言無祭祀則民無所畏忌無所畏忌則志放縱志放縱則遂廢滯滯難復恐懼也

生乃不殖

生人

物也殖長也不長神不降以福也

是用不從

不從上令

其生不殖不可以封

封國也

是以古者先王日祭月享時類歲祀

以事類曰類日祭于祖考

月薦于曾高時類于二祧歲祀于壇墀

諸侯舍日

有月享也

卿大夫舍月

有時祭也

士庶人舍時

歲乃祭也

天子徧祀羣神品物

品物謂若八蜡所祭猫虎昆虫

之類也

諸侯祀天地三辰及其土之山川

三辰日月星也祀天地謂二王

後也非二王後祭分野星山川而已

卿大夫祀其禮

禮謂五祀及祖所自出也

士庶人

不過其祖

祖王父也

日月會于龍罔

罔龍尾也謂周十二月夏十月也日月合辰于

尾上月令曰孟冬日在尾

土氣含收

含收收縮萬物含藏也

天明昌作

昌盛也作起也

謂天氣上也月純坤用事

百嘉備舍

嘉善也時物畢成舍入室也

羣神頻行

並

也並行欲求食也

國於是乎烝嘗家於是乎嘗祀

烝冬祭也嘗百物也月

令孟冬大飲烝傳曰閉蟄而烝

百姓夫婦擇其令辰

辰十二辰也

奉其犧牲

敬其齋盛潔其糞除慎其采服禋其酒醴帥其子姓

禋潔

也子姓衆同姓也

從其時享虔其宗祝

宗主祭祀祝主祝祈也

道其順辭

以昭祀其先祖肅肅濟濟如或臨之於是乎合其州鄉

朋友婚姻比爾兄弟親戚

合會也比親也

於是乎弭其百苛姁

其讒慝

弭止也苛虐也姁覆也止覆謂解怨除恨之辭

合其嘉好結其親暱

結合

也謂於此更申固之

億其上下

億安也

以申固其姓上所以教民虔

也下所以昭事上也天子禘郊之事必自射其牲

牲牛也

王后必自春其粢

器實曰粢

諸侯宗廟之事必自射其牛割

羊擊豕

割刺也擊殺也

夫人必自春其盛

在器曰盛上言粢下言盛互其文也

沉

其下之人其誰敢不戰戰兢兢以事百神天子親春禘

郊之盛

帥后春之

王后親縗其服

服祭服也祭義云夫人縗三盆則王后其一盆與周

語曰王耕一壅班三之

自公以下至於庶人其誰敢不齊肅恭敬

致力於神民所以攝固者也若之何其舍之也

攝持也舍廢也

王曰所謂一純二精七事者何也對曰聖王正端冕以

其不違心帥其羣臣精物以臨監享祀無有苛慝於神

者謂之一純

端玄端之服也冕大冠也監視也不違心謂心思端正服則端正也

玉帛為

二精

明潔為精

天地民及四時之務為七事王曰三事者何

也對曰天事武

乾稱剛健故武

地事文

地質柔順故文易曰坤為文

民事忠

信

以忠信為行

王曰所謂百姓千品萬官億醜兆民經入咳

數者何也對曰民之徹官百

徹達也自以名達於上者有百官也

王公之

子弟之質能言能聽徹其官者

質有賢質也能言能言其官職也

而物

賜之姓以監其官是為百姓

物事也以功事賜之姓官有世功則有官族若司馬

太史之姓有徹品十於王謂之千品謂一官之職其察屬是也

品百官故五物之官陪屬萬為萬官五物謂天地神民類物之官也臣之

臣為陪屬謂有寮屬轉陪貳相官有十醜為億醜醜類佐助復有十等千品故萬官也

十醜承萬為十萬十萬曰天子之田九畝以食兆民九畝古數也今以萬萬為億

九州之內有畝數也食兆民王取經入焉以食萬官經耕而食其中也天子曰兆民

也常入征稅也

鬬且廷見令尹子常鬬且楚大夫子常子囊之孫囊瓦也子常與之語問

蓄貨聚馬歸以語其弟曰楚其亡乎不然令尹其不免

乎吾見令尹令尹問蓄聚積實如餓豺狼焉

實財也

殆必

亡者也夫古者聚貨不妨民衣食之利聚馬不害民之

財用

貨珠玉之屬自然物也貨馬多則養求者衆妨財力也

國馬足以行軍

國馬民馬

也十六井為丘有戎馬一足牛三頭足以行軍也

公馬足以稱賦

公馬公之戎馬也稱舉也

也賦兵

不是過也公貨足以賓獻

賓饗贈也獻貢也

家貨足以供

家大

不是過也夫貨馬郵則闕於民

郵過也闕缺也

民多闕

則有離畔之心將何以封矣

封封國也

昔鬬子文三舍令尹

子文鬬伯比之子於菟也舍去也

無一日之積恤民之故也

積儲也

成王

聞子文之朝不及夕也

成王楚文王之子顓也

於是乎每朝設脯

一束糗一筐以羞子文

糗寒粥也筐器名也羞進也

至于今令尹秩

之

秩常也

成王每出子文之祿必逃王止而後復

祿奉也復反也

人謂子文曰人生求富而子逃之何也對曰夫從政者

以庇民也

庇覆也

民多曠者而我取富焉

曠空也

是勤民以

自封也

勤勞也封厚也

死無日矣我逃死非逃富也故莊王之

世滅若敖氏唯子文之後在至于今處鄖為楚良臣

莊王

成王孫也若敖氏子文之族也魯宣四年子文之弟子鬬椒為亂莊王滅若敖氏之族子文之孫箴尹克黃使

於齊還而自拘於司敗王思子文之治楚也曰子文
無後何以勸善使復其所其子孫當昭王時為鄖公是

不先恤民而後已之富乎今子常先大夫之後也

先大夫

囊而相楚君無令名於四方民之羸餒日日已甚

羸瘠也言

日日又甚四境盈壘

盈滿也壘壁也言壘壁滿於四境之內

道殣相望

道家曰殣詩云

行有死人尚或殣之

盜賊司目民無所放

放依也

是之不恤而蓄聚

不厭其速怨於民多矣

速召也

積貨滋多蓄怨滋厚不亡

何待夫民心之慍也

慍怒也

若防大川焉潰而所犯必大

矣

犯敗也

子常其能賢於成靈乎成不禮於穆願食熊蹯

不獲而死

成成王穆王商臣之父也欲黜商臣而立其弟職商臣圍成王王請食熊蹯而死不聽遂

自殺踏掌也

靈王不顧於民一國棄之如遺迹焉

靈王不君罷弊楚國

三軍叛之如行人之遺棄其迹也

子常為政而無禮不顧甚於成靈其

獨何力以待之

待猶禦也

期年乃有柏舉之戰子常奔鄭昭

王奔隨

柏舉楚地隨漢東國也初蔡昭侯朝於楚子常欲其佩唐成公亦朝焉子常欲其驕駉馬二君

不予而留之三年後予之乃得歸歸與吳伐楚大敗之在魯定四年奔隨自鄖奔隨也

吳人入楚昭王出奔濟於成臼

吳人闔閭也出奔隨見也濟渡也成臼津名

藍尹亶載其孥

藍尹亶楚大夫也妻子曰孥

王曰載予對曰自先王

莫隊其國

隊失也

當君之世而亡之君之過也遂去王王

歸又求見王王欲執之子西曰請聽其辭夫其有故

子西

平王之子昭王之庶兄令尹公子申也故猶意也

王使謂之曰成臼之役而棄

不穀今而敢來何也

而汝也

對曰昔瓦唯長舊怨以敗於

柏舉故君及此

瓦子常名也長猶積也

今又效之無乃不可乎臣

避於成臼以倣君也庶倭而更乎

倭改也

今之敢見觀君

之德也曰庶懼而鑒前惡乎

鑒鏡也

君若不鑒而長之君

實有國而不愛臣何有於死

何惜死

死在司敗矣

楚謂司寇為司

敗
唯君圖之子西曰使復其位以無忘前敗

言見虜則念前敗也

王乃見之

吳人之入楚楚昭王奔鄖

鄖楚邑也

鄖公之弟懷將殺王

鄖公

令尹子文玄孫之孫
蔓成然之子闕辛也

鄖公辛止之懷曰平王殺吾父

平王

昭王考也父蔓成然也成然
立平王貪求無厭平王殺之

在國則君在外則讎也見

讎弗殺非人也鄖公曰夫事君者不為外內行

不為外內易行

不為豐約舉

豐盛也約衰也舉動也

苟君之尊卑一也且夫自敵

以下則有讎

敵敵體也

非是不讎下虐上為殺上虐下為討

而況君乎君而討臣何讎之為若皆讎君則何上下之

有乎吾先人以善事君成名於諸侯自鬬伯比以來未

之失也今爾以是殃之不可

殃病害也

懷弗聽曰吾思吾父

不能顧矣鄖公以王奔隨

避懷也

王歸而賞及鄖懷子西

諫曰君有二臣或可賞也或可戮也君王均之羣臣懼

矣

均同也賞罰無別故懼也

王曰夫子期之二子邪吾知之矣

子期蔓成

然字

或禮於君或禮於父均之不亦可乎

子西歎於朝藍尹亹曰吾聞君子惟獨居思念前世之

崇替

崇終也替廢也詩云曾不崇朝

與哀殯喪

塗木曰殯

於是有歎其餘則

不君子臨政思義

思公義也

飲食思禮同宴思樂在樂思善

無有歎焉今吾子臨政而歎何也子西曰闔閭能敗吾

師

柏舉之戰

闔閭即世吾聞其嗣又甚焉

嗣嗣子夫差也甚謂政德過於父也

吾是以歎對曰子患政德之不脩無患吳矣夫闔閭口

不貪嘉味耳不樂逸聲

逸淫也

目不淫於色身不懷於安

朝夕勤志恤民之羸

羸病也

聞一善若驚得一士若賞

若受

賞也有過必悛

悛改也

有不善必懼是故得民以濟其志

濟成

也志戰克也

今吾聞夫差好罷民力以成私好縱過而翳諫

也翳鄣

一夕之宿臺榭陂池必成六畜玩好必從夫先自

敗也已焉能敗人子脩德以待吳吳將斃矣

王孫圉聘於晉

王孫圉楚大夫也

定公饗之趙簡子鳴玉以相

定公晉頃公之子午也簡子趙鞅也鳴玉鳴其佩玉以相禮

問於王孫圉曰楚之白

珩猶在乎

珩佩上之橫者

對曰然簡子曰其為寶也幾何矣

幾何

世也曰未嘗為寶楚之所寶者曰觀射父

言以賢為寶不以寶為寶

能

作訓辭以行事於諸侯

言以訓辭交結諸侯

使無以寡君為口實

欽定四庫全書

國語卷十八

十三

口實毀弄也

又有左史倚相能道訓典以敘百物

敘次也以物事也

朝夕獻善敗于寡君使寡君無忘先王之業又能上下

說乎鬼神順道其欲惡

說媚也

使神無有怨痛于楚國

痛疾

也又有數曰雲連徒洲金木竹箭之所生也

楚有雲夢數澤名也

連屬也水中之可居曰洲徒其名也

龜珠齒角皮革羽毛所以備賦用以

戒不虞者也

龜所以備吉齒珠所以禦火灾角所以為弓弩齒象齒所以為弭皮虎豹皮也所以

為茵韃革犀兕也所以為甲冑羽鳥羽也所以為旌毛旄牛尾所以注竿首賦兵賦虞度也

所以共

幣帛以賓享於諸侯者也

享獻也

若諸侯之好幣具而導

之以訓辭

導行也

有不虞之備而皇神相之

能媚於神故皇神相之皇

大也相也

寡君其可以免罪於諸侯而國民保焉

保安也

此

楚國之寶也若夫白珩先王之玩也何寶焉

玩玩弄之物

圉

聞國之寶六而已聖能制議百物以輔相國家則寶之

玉足以庇蔭嘉穀使無水旱之灾則寶之

玉祭祀之玉也

龜足

以憲臧不則寶之

憲法也取善惡之法

珠足以禦火灾則寶之

珠水

精故以禦火灾

金足以禦兵亂則寶之

金所以為兵也

山林藪澤足以

備財用則寶之若夫譁囂之美

譁囂猶譁謂若鳴玉以相

楚雖蠻

夷不能寶也

微刺簡子

惠王以梁與魯陽文子

惠王昭王子越女之子章也梁楚北境也文子平王之孫司馬

子期子魯陽公也

文子辭曰梁險而在北境懼子孫之有貳者

也

貳二心也

夫事君無憾憾則懼偏

憾恨也無恨謂得志也偏偏上也

偏則

懼貳

偏則懼誅故貳也

夫盈而不偏

盈志滿也

憾而不貳者臣能自

壽也

壽保也

不知其它

它子孫也

縱臣而得以其首領以沒懼

子孫之以梁之險而乏臣之祀也

恃險而貳將見誅絕

王曰子之

仁不忘子孫施及楚國敢不從子與之魯陽

子西使人召王孫勝

王孫勝故平王太子建之子白公勝也初費無極為太子少師無寵

太子取於秦而美勸王納之遂譖太子曰建將叛太子奔鄭又與晉謀鄭鄭人殺之勝奔吳在魯哀十六年

沈諸梁聞之

沈諸梁楚左司馬沈尹戌之子葉公子高也

見子西曰聞子召

王孫勝信乎曰然子高曰將焉用之曰吾聞之勝直而

剛欲寘之境

寘置也傳曰召之使處吳境為白公

子高曰不可其為人也

展而不信

展誠也誠謂復言非忠信之道

愛而不仁

外愛人內無仁心也

詐而不

知

以詐行謀而非知也知人不詐

毅而不勇

毅果也

直而不衷

衷中也君子惡

計以為直者

周而不淑

周密也淑善也

復言而不謀身展也

復言言可復不

欺人也不謀身
不計身害也

愛而不謀長不仁也

外愛人不計終身也

以謀蓋

人詐也

蓋掩也

強忍犯義毅也

強強力也忍忍犯義也

直而不顧不

衷也

不顧隱諱

周言棄德不淑也

取周其言而不以德

是六德者皆有

其華而不實者將焉用之彼其父為戮於楚其心又狷

而不潔

狷者直己之志不從人也不潔非潔行也

若其狷也不忘舊怨而不

以潔悛德

悛改也

思報怨而已則其愛也足以得人其展

也足以復之

復復其前言也

其詐也足以謀之其直也足以帥

之

帥帥衆也

其周也足以蓋之

言其周密足以覆蓋其惡也

其不潔也足

以行之而加之以不仁奉之以不義蔑不克矣夫造勝

之怨者皆不在矣

怨謂諧太子費無極之徒

若來而無寵速其怒也

速疾也

若其寵之穀貪而無厭既能得入而曜之以大利

曜示也

不仁以長之

長其利欲

思舊怨以脩其心

脩其報讎之心

苟國

有譽必不居矣

譽隙也

非子職之其誰乎

職主也言子西將主此禍

彼

將思舊怨而欲大寵

大寵令尹司馬也

動而得人

愛故得人

怨而有

術

父死而怨故有術也

若果用之害可待也余愛子與司馬故不

敢不言

司馬子西之弟子期也

子西曰德其忘怨乎

言綏之以德必忘怨也

余善之夫乃其寧

寧安也

子高曰不然吾聞之曰唯仁者

可好也可惡也可高也可下也好之不偏惡之不怨高

之不驕下之不懼不仁者則不然人好之則偏惡之則

怨高之則驕下之則懼驕有欲焉

欲專寵也

懼有惡焉

惡其上

欲惡怨偏所以生詐謀也子將若何若召而下之將戚

而懼為之上者將怒而怨詐謀之心無所靖矣

靖安也

有

一不義猶敗國家今壹五六而必欲用之不亦難乎吾

聞國家將敗必用姦人而嗜其疾味其子之謂乎

嗜貪也疾

味味為己生疾
害諭好不善也

夫誰無疾膏

膏猶
災也

能者蚤除之舊怨滅

宗國之疾膏也為之開籥蕃籬而遠備閑之猶恐其至

也

蕃籬墜落
也閑閑也

是之為日惕

惕懼
也

若召而近之死無日矣

人有言曰狼子野心怨賊之人其又可善乎若子不我

信益求若教氏與子干子皙之族而近之

若教氏莊王
所滅鬬椒也

子干子皙恭王庶子公子比公子黑肱
也平王所殺而代之何獨不召而近也

安用勝也其能

幾何

言危
不久

昔齊騶馬繻以胡公入於貝水

騶馬繻齊大
夫也胡公齊

大公玄孫之子胡公靖也貝水水名
胡公虐馬繻馬繻殺胡公內之貝水

邴歇閭職戕懿公

於圃竹

戕殘也歌職皆齊臣懿公齊桓公之子商人也為公子時與邴歌之父爭田弗勝及即位乃掘

而刑之而使歌僕納閭職之妻而使職驂乘魯文十八年懿公游于申池二人殺公而內之竹中 晉長

魚鰲殺三卻於榭

長魚鰲晉大夫也殺三卻錡鰲至也鰲與鰲爭田執而梏之與其父母妻

子同一轅既鰲嬖於厲魯圉人犖殺子般於次 馬者子

公譖而殺三卻于榭 魯圉人犖殺子般於次

般魯莊公太子次舍也雩講于梁氏女公子觀之犖自牆外與之戲子般鞭之莊公薨于般即位次于黨氏公

子慶父通于夫人夫人欲立之慶父使犖賊子般于黨氏在魯莊三十二年 夫是誰之故也

非唯舊怨乎 故事 是皆子所聞也人之求多聞善敗以

鑒戒也今子聞而棄之猶蒙耳也

蒙覆也

吾語子何益吾

知逃而已

逃勝之難也

子西笑曰子之尚勝也

言子論議好尚勝人也

不從遂使為白公子高以疾間居于蔡

蔡故蔡國楚滅之葉公兼而治

焉及白公之亂子西子期死

白公請伐鄭以報父讎子西既許之未起師晉伐鄭

楚又救之與之盟白公怒遂作亂殺二子於朝在魯哀十六年

葉公聞之曰吾怨其棄

吾言而德其治楚國楚國之能平均以復先王之業者

夫子也

夫子子西也

以小怨寘大德吾不義也將入殺之

殺白

公帥方城之外以入殺白公而定王室

定王室謂兼令尹司馬以平楚

國也既定乃使子西之子寧為令尹子期之子寬為司馬而老于葉

葬二子之族

子西子期之族

多見害故
皆為葬之

國語卷十八

欽定四庫全書

國語卷十九

吳 韋昭 注

吳語

吳王夫差起師伐越越王勾踐起師逆之江

夫差泰伯之後闔廬

之子姬姓也勾踐祝融之後允常之子苾姓也鄭語曰苾姓夔越世本亦云越苾姓也魯定十四年吳伐越越

敗之於檇李闔廬傷而死後三年夫差伐越報檇李也越逆之江至於五湖吳人大敗之於夫椒遂入越越于

以甲楯五千保于會稽在魯哀元年

大夫種乃獻謀

種越大夫也獻進也

曰夫吳之

與越唯天所授王其無庸戰

庸用也

夫申胥華登簡服吳

國之士於甲兵而未嘗有所挫也

申胥楚大夫伍奢之子子胥也名員魯昭

二十年奢誅于楚員奔吳吳子與之中地故曰申胥華登宋司馬華費遂之子也華氏作亂於宋而敗登奔吳為大夫簡習也挫毀折也夫一人善射百夫決拾

決鈎弦也拾捍也言申胥華登善用

兵衆必化之猶一人善射而百夫競著決拾而放之

勝未可成

成猶必也

夫謀必素見

成事焉而後履之

素猶豫也履行也

不可以授命

授命猶鬪命也

王不

如設戎約辭行成以喜其民

戎兵也約卑也成平也言不如設兵自守卑約其辭

以求平於吳吳民必喜

以廣侈吳王之心

侈大也

吾以卜之於天

若棄吳必許吾成而不吾足也

言越不足畏也

將必寬然有伯

諸侯之心焉

寬緩也

既罷弊其民而天奪之食安受其燼

奪之食稻蟹之屬也燼餘也

乃無有命矣

吳無復有天命矣

越王許諾乃命

諸稽郢行成於吳

諸稽郢越大夫

曰寡君勾踐使下臣郢不敢

顯然布幣行禮

布陳也幣玉帛也顯猶公露也

敢私告於下執事曰昔

者越國見禍得罪於天王

見禍於天得罪謂傷闔廬也言天王尊之以名

天王

親趨玉趾以心孤勾踐

趾足也孤棄也

而又宥赦之

宥寬也

君王

之於越也繫起死人而肉白骨也

繫是也使白骨生肉德至厚也

孤不

敢忘天災其敢忘君王之大賜乎今勾踐申禍無良

重申

也良善也

草鄙之人敢忘天王之大德而思邊垂之小怨

遠邑

稱鄙言吳侵越之邊垂心懷怨恨也

以重得罪於下執事

重得罪謂報見侵也

勾踐

用帥二三之老

家臣稱老言此謀也

親委重罪頓顙於邊

委猶歸也邊邊

境也

今君王不察盛怒屬兵將殘伐越國

察理也屬會也殘伐謂陳會稽

也越國固貢獻之邑也君王不以鞭箠使之而辱軍士

使寇令焉

若禦寇之號令

勾踐請盟一介嫡女執箕箒以眩姓

於王宮

一介一人賸備也姓庶姓也曲禮曰納女於天子曰備百姓

一介嫡男奉槃

臣以隨諸御

槃承盥器也晉語曰奉臣沃盥御近臣官豎之屬

春秋貢獻不解

於王府天王豈辱裁之

豈能辱意裁制之

亦征諸侯之禮也

征稅

也此亦天子征稅諸侯之禮

夫諺曰狐埋之而狐搯之是以無成功

埋藏也搯發也

今天王既封殖越國以明聞於天下

封殖以草木自喻壅

本曰封殖立也明顯也聞於天下言天下備聞也

而又刈亡之是天王之無成

勞也

芟草曰刈勞功也

雖四方之諸侯則何實以事吳

實實事也敢

使下臣盡辭唯天王秉利度義焉

秉執也義宜也

吳王夫差乃告諸大夫曰孤將有大志於齊

欲伐齊也

吾將

許越成而無拂吾慮

拂絕也

若越既改吾又何求若其不

改反行吾振旅焉

伐齊反振旅而討之

申胥諫曰不可許也夫越

非實忠心好吳也又非懼畏吾兵甲之強也大夫種勇

而善謀將還玩吳國於股掌之上以得其志

還轉也玩弄也股本

曰夫固知君王之蓋威以好勝也

蓋猶尚也

故婉約其辭以

從逸王志

婉順也約卑也從隨也

使淫樂於諸夏之國以自傷也

使吾甲兵鈍弊民人離落而日以憔悴

離畔也落殞也憔悴瘦病也

然後安受吾燼夫越王好信以愛民四方歸之年穀時

孰曰長炎炎

進炎炎貌

及吾猶可以戰也為虺弗摧為蛇將

若何

虺小蛇大也傳曰封豕長蛇

吳王曰大夫奚隆於越

奚何也隆盛也

越

曾足以為大虞乎

虞度也

若無越則吾何以春秋曜吾軍

士乃許之成將盟越王又使諸稽郢辭曰以盟為有益

乎前盟口血未乾

未乾喻近也

足以結信矣以盟為無益乎

君王含甲兵之威以臨使之而胡重於鬼神而自輕也

吳王乃許之荒成不盟

荒空也

吳王夫差既許越成乃大戒師徒將以伐齊申胥進諫

曰昔天以越賜吳而王弗受夫天命有反

反謂盛者更衰禍者有福

今越王勾踐恐懼而改其謀舍其愆令

舍廢也愆過也

輕其征

賦施民所善去民所惡身自約也裕其衆庶

裕饒也

其民

殷衆

殷盛也

以多甲兵譬越之在吳也猶人之有腹心之

疾也夫越王之不忘敗吳於其心也戚然服士以司吾

間

戚猶惕也間隙也

今王非越是圖而齊魯以為憂夫齊魯譬

諸疾疥癬也

疥癬在外為害微也

豈能涉江淮而與我爭此地哉

將必越實有吳土

壤地接而越侑德也

王盍亦鑑於人無鑑於水

鑑鏡也以人為鏡見成敗以水為鏡見
形而已書曰人無于水鑑當于民鑑
昔楚靈王不君

不得為其臣箴諫以不入也
乃築臺於章華之上
章

地關為石郭陂漢以象帝舜
闕穿也陂墜也舜葬九疑
其山體水旋其丘下故墜

漢水使旋石罷弊楚國以間陳蔡
昭八年楚滅陳十一年滅
蔡

不脩方城之內
方城楚
踰諸夏而圖東國
諸夏陳蔡也
東國徐夷吳

越三歲於沮汾以服吳越
沮汾水名楚東鄙沮汾之間
也

蕩帥師伐吳師于
其民不忍飢勞之殃三軍叛王於乾
豫章次于乾谿

谿殃害也民罷國亂中外
王親獨行屏營彷徨於山林
叛潰事在魯昭十三年

之中三日乃見其涓人疇

涓人今中涓也疇名也

王呼之曰余不

食三日矣疇趨而進王枕其股以寢於地王寐疇枕王

以撲而去之

撲塊也

王覺而無見也乃匍匐將入棘闥棘

闥不納

棘楚邑闥門也

乃入芊尹申亥氏焉

申亥楚大夫芊尹無字之子也傳曰

王汧夏將入駟芊尹無字之子申亥曰吾父再奸王命而弗誅惠孰大焉乃求王遇諸棘闥

王縊申

亥負王以歸而土埋之其室

傳曰王縊申亥以其二女殉而葬之

此志也

豈遽忘於諸侯之耳乎

志記也言此事皆見記於諸侯之耳而未忘也

今王既

變鯀禹之功

王夫差也變易也魯語曰禹能以德脩鯀之功

而高高下下以罷

民於姑蘇

高高起臺榭下下深汙池也姑蘇臺名在吳西近湖

天奪吾食都鄙荐

饑

天奪吾食稻蟹也都國也鄙邊邑也荐重也

今王將很天而伐齊

很違也

夫

吳民離矣

有離畔也

體有所傾譬如羣獸然一个負矢將百

羣皆奔

傾傷也言衆獸羣聚其中一个被矢則百羣皆走以言吳民臨陳就戰或小有傾傷亦復然也

王其無方收也

方道也收還也

越人必來報我王雖悔之其猶

有及乎王弗聽十二年遂伐齊

夫差十二年魯哀十一年

齊人與戰

於艾陵

艾陵齊地

齊師敗績吳人有功

傳曰獲齊國書革車八百乘甲首三千

吳王夫差既勝齊人於艾陵乃使行人奚斯釋言於齊

奚斯吳大夫釋解也以言辭自解歸非于齊

曰寡人帥不腆吳國之役遵汶

之上

後兵也汶齊水名

不敢左右唯好之故

不敢左右暴掠齊民唯有恩好之故

也

今大夫國子興其衆庶以犯獵吳國之師徒

國子齊卿國書

也犯陵也獵震也

天若不知有臯則何以使下國勝

下國吳自謂也言天

若不知有臯何以使吳國勝齊也

吳王還自伐齊乃訊申胥

訊告讓也

曰昔吾先王體德聖明

達於上帝

先王闔廬也上帝天也

譬如農夫作耦以刈殺四方之

蓬蒿

二耜為耦言子胥佐先王其猶耕者之有耦以成其事也

以立名於荆此則大

夫之力也

立名于荆謂敗楚于柏舉昭王奔隨時也

今大夫老而又不自安

恬逸

恬猶靜也逸樂也

而處以念惡

處居也居則念為惡於吳國

出則罪吾

衆

罪吾衆謂吳民離矣體有所傾之屬

撓亂百度

撓擾也度法也

以妖孽吳國

妄為

妖言越當襲吳也

今天降衷于吳

衷善也

齊師受服孤豈敢自多

先王之鍾鼓實式靈之

式用也靈神也

敢告于大夫申胥釋劔

而對

釋解也

曰昔吾先王世有輔弼之臣

言闔廬以前

以能遂

疑計惡

遂決也計慮也

以不陷於大難今王播棄黎老

播故也鮑背之

耆稱黎老

而孩童焉比謀

孩幼也比合也

曰余令而不違

不違言莫違也

夫

不違乃違也

乃違道也

夫不違亡之階也夫天之所棄必驟

近其小喜

小喜勝敵之喜紂之百克是也

而遠其大憂

大憂在後故遠也

王若

不得志於齊而以覺悟王心吳國猶世

世繼世也

吾先君之

得之也必有以取之

得謂克楚也傳曰闔廬食不二味勤卹其民取之謂此也

其亡

之也亦有以棄之

亡之謂不正其師以班處宮復為楚所敗也

用能援持盈

以沒

盈滿也沒終也

而驟救傾以時

以時不失時也

今王無以取之

言無

政德

而天祿亟至

亟數也

是吳命之短也員不忍稱疾辟易

以見王之親為越之禽也員請先死

辟易狂疾

將死曰而縣

吾目於東門以見越之入吳國之亡也遂自殺王愠曰

孤不使大夫得有見也乃使取申胥之尸盛以鸛鷁而

投之於江

鸛鷁 羊費

吳王夫差既殺申胥不稔於歲

稔熟也謂後年不至於熟而北征也夫差以哀

十一年會于索卑

乃起師北征闕為深溝於商魯之間

闕穿也

北屬之沂

沂水名出泰山蓋南至下邳入泗

西屬之濟

濟宋水也

以

會晉公午於黃池

黃池地名晉公午晉定公也黃池事在魯哀十三年

於是越王

勾踐乃命范蠡舌庸

二子越大夫

率師沿海沂淮以絕吳路

沿順也逆流而上曰汭循海而

敗王子友於姑熊夷

姑熊

夷吳郊也王子友夫差太子也夫差

未反越子伐吳吳距之獲太子友

軍汭江

江吳江也或有淮字誤耳

以襲吳入其郛

郛郭也

焚其姑蘇徙

其大舟

大舟王舟徙取也

吳晉爭長未成

長先也成定也

邊遽乃至以

越亂告

速傳也

吳王懼乃合大夫而謀曰越為不道背其

齊盟

齊同也

今吾道路悠遠

悠長也

無會而歸與會而先晉

孰利

先晉令晉先敵

王孫雄曰夫危事不齒

王孫雄吳大夫也齒年也不以年齒

對雄敢先對二者莫利無會而歸越聞章矣民懼而走

遠無正就

正適也

齊宋徐夷曰吳既敗矣

宋今睢陽徐今大徐夷淮夷也

將夾溝而虜我

旁擊曰虜

我無生命矣會而先晉晉既執諸

侯之柄以臨我將成其志以見天子

以侯伯之禮見天子也

吾須

之不能

不能待見天子

去之不忍若越聞俞章

俞益也

吾民恐畔

必會而先之

先使吳先敵也

王乃步就王孫雄曰先之圖之將

若何王孫雄曰王其無疑吾道路悠遠必無有二命焉

可以濟事

欲決一計求先晉也濟成也

王孫雄進顧揖諸大夫曰危

事不可以為安死事不可以為生則無為貴知矣

言人不能

以危易安以死易生則何貴於知矣

民之惡死而欲貴富以長沒也與我

同

長老也
沒終也

雖然彼近其國有遷我絕慮無遷

遷轉退也
絕慮道遠

也彼豈能與我行此危事也哉

言晉不能以死與我爭

事君勇謀

於此用之

勇而有謀
正謂今時

今夕必挑戰以廣民心

挑晉求戰
以廣大民

心示不
懼也

請王厲士以奮其朋勢

朋羣也勉厲士卒以奮
激其羣黨之勢使有闕

心也勸之以高位重畜

重畜
寶財

備刑戮以辱其不厲者也

備具

令各輕其死彼將不戰而先我

推先
我也

我既執諸侯之柄

為盟主
故執柄

以歲之不獲也無有誅焉

獲收也誅責也不
責諸侯之貢賦

而

先罷之

罷遣諸侯令先歸也

諸侯必說

說喜也

既而皆入其地

入境

王安挺志

挺寬也

一日惕一日留

惕疾也留徐也

以安步王志

步行

也必設以此民也封於江淮之間乃能至於吳

設許其勸勉者

以此民封之於江淮間以恐之必速至也

吳王許諾

吳王昏乃戒令秣馬食士

秣衆也

夜中乃令服兵擐甲

夜中

夜半也服執也擐貫也甲鎧也

係馬舌出火竈

係縛也縛馬舌恐有聲也出火於竈外以自燭

陳士卒百人以為徹行百行

徹通也以百人通為一行百行為萬人謂之方陳

行頭皆官帥擐鐸拱稽

二君皆云官帥大夫也昭謂下言十行一壁大夫此一行宜為

士周禮百人為卒卒長皆上士擁抱也拱執也抱鐸者亦恐有聲也唐尚書云稽榮戰也鄭後司農以為稽計

兵名籍也周禮聽師田以簡稽

建肥胡奉文犀之渠

肥胡幡也文犀之渠謂楯也文犀犀

之有文理者

十行一嬖大夫

十行千人嬖下大夫也子產謂子南曰子皙上大夫汝嬖大夫

建旌提鼓

析羽為旌提挈也

挾經秉枹

在掖曰挾經兵書也秉執也

十旌一

將軍

十旌萬人也將軍命卿也

載常建鼓挾經秉枹

日月為常鼓晉鼓也周禮將軍

執晉鼓建謂為之楹而樹之

為萬人以為方陳

百行故曰萬人正四方也

皆白常

白旂素甲白羽之矰望之如荼

交龍為旂素甲白甲也矰矢名以白羽為衛荼

也茅秀

王親秉鉞載白旗以中陳而立

熊虎為旗此王所帥中軍

左軍

亦如之

亦如中軍載常建鼓扶經東枹之屬

皆赤常赤旗丹甲朱羽之矰

望之如火

鳥隼曰旗尚赤左陽也丹彤也朱羽染為朱也

右軍亦如之皆玄常

玄旗黑甲烏羽之矰望之如墨

黑漆甲也尚黑右陰也

為帶甲三

萬

帶甲矰鎧

以勢攻雞鳴乃定既陳去晉軍一里昧明王乃

秉枹親就鳴鐘鼓丁寧鐸于振鐸

丁寧謂鉦也唐尚書云鐸于錫非也鐸于

與錫各異物軍行鳴之與鼓相應也

勇怯盡應三軍皆詳鉦以振旅

詳鉦誰呼

也其聲動天地晉師大駭不出周軍飭壘

周繞也飭治也

乃令

董褐請事

董褐晉大夫司馬演請問也

曰兩君偃兵接好日中為期

倭匿也
接合也

今大國越錄

錄第

而造於弊邑之軍壘敢請亂

故

敢問先期
亂次之故

吳王親對之曰天子有命周室卑約貢獻

莫入上帝鬼神而不可以告

言無以告祭
於天神人鬼

無姬姓之振

也

振救

徒遽來告孤日夜相繼

徒步也遽
傳車也

匍匐就君君

今非王室不安平是憂億負晉衆庶不式諸戎翟楚秦

億安也負恃也安恃其衆而不
用征伐戎翟楚秦卑周故也

將不長弟以力征一二

兄弟之國

弟言幼也言晉不帥長幼之節而征伐同姓
兄弟之國謂魯衛之屬或云謂晉滅虞虢韓

魏然滅虞虢韓魏皆在春
秋之始非所以責定公也

孤欲守吾先君之班爵

爵次
當為

盟主

進則不敢

不敢過先君也

退則不可

亦不可不及也

今會日薄矣

迫薄

也

恐事之不集以為諸侯笑

集成

孤之事君在今日不

得事君亦在今日

言欲戰以決之不勝則服事君若勝則為盟主

為使者之無

遠也孤用親聽命於藩籬之外

藩籬墜落也

董褐將還王稱

左畸曰攝少司馬茲與王士五人坐於王前

賈唐二君云稱呼也

左畸軍左部攝執也少司馬茲與王士五人皆罪人死士

乃皆進自剄於客前以酬

客

賈唐二君云剄到也酬報也將報客使死士自剄以示其威行軍士用命也昭謂魯定十四年吳伐越越

王使罪人自剄以誤吳故夫差效之

董褐既致命

致命於晉君

乃告諸趙鞅

趙鞅

晉正卿趙簡子也

曰臣觀吳王之色類有大憂

類似也傳曰肉食者無墨今吳

王有墨墨黑氣也

小則嬖妾嫡子死不則國有大難

大難反畔

大則

越入吳將毒不可與戰

毒猶暴也言若猛獸被毒悖暴也

主其許之先

無以待危

主趙鞅也

然而不可徒許也

徒空也不空許宜有辭義

趙鞅許

諾晉乃令董褐復命曰寡君未敢觀兵身見

觀示也

使褐

復命曰曩君之言

曩向也

周室既卑諸侯失禮於天子

謂不

朝貢也請貞於陽卜收文武之諸侯

貞正也龜曰卜以火發兆故曰陽言吳欲

正陽卜收復文王武王之諸侯以奉天子

孤以下密邇於天子無所逃罪

孤以

下晉辭也密 訊讓日至

訊告也

曰昔吳伯父不失春秋必

率諸侯以顧在余一人

此晉述天子告讓之言也同姓元侯曰伯父吳伯父吳先君也

不失四時必率諸侯脩朝聘之禮

今伯父有蠻荆之虞禮世不續

今謂夫差

也虞度也言夫差有蠻荆之備廢朝聘之禮不得繼世續前人之職

用命孤禮佐周公以

見我一二兄弟之國以休君憂

休息也周公周之太宰諸侯之師也君有蠻荆

之虞故命晉以禮佐助周公與兄弟之國相見令朝聘天子息君憂周之憂也

今君掩王東海

以淫名聞於天子

掩蓋也淫猶僭也名號也

君有短垣而自踰之

垣者

喻禮防雖短不可踰也

況蠻荆則何有於周室

言吳姬姓而自

僭號況於蠻荆有何義於周室而不為乎

夫命圭有命固曰吳伯不曰吳王

命圭受賜圭之策命周禮伯執躬圭吳本稱伯故曰吳伯

諸侯是以敢辭

辭不事吳也

夫

諸侯無二君而周無二王君若無卑天子以干其不祥

干犯也

而曰吳公孤敢不順從君命長弟許諾

長先也弟後也

吳

王許諾乃退就幕而會

幕帳也

吳公先歆晉侯亞之吳王

既會越聞愈章恐齊宋之為己害也乃命王孫雄先與

勇獲帥徒師以為過賓於宋以焚其北郭焉而過之

勇獲

吳大夫也徒師步卒也郭郭也託為過賓而焚其郭去其守備使不敢出

吳王夫差既退于黃池乃使王孫苟告勞于周

王孫苟吳大夫

勞功也

曰昔者楚人為不道不共承王事以遠我一二兄

弟之國

遠疏也

吾先君闔廬不貲不忍

貲赦也

被甲帶劍挺

鉞搢鐸

挺拔也搢振也

以與楚昭王毒逐於中原柏舉

柏舉之戰在魯

定四年毒暴也中原中也

天舍其衷

衷善也言天舍善於吳

楚師敗績王去

其國

昭王奔隨

遂至于郢

郢楚都也

王總其百執事

賈侍中云王往也百執事

百官也昭謂王闔廬也賈君以為告天子不宜稱王故云往也下言夫概王不避天子故知上王為闔廬也

以奉其社稷之祭

言脩楚祭祀也

其父子昆弟不相能夫概王

作亂是以復歸于吳

昆兄也夫概王闔廬之弟也傳曰夫概王先歸自立故不能定楚而

歸

今齊侯任不鑒于楚

任齊景公孫悼公之子簡公任也不鑒不以楚敗為鑒戒又

不承共王命以遠我一二兄弟之國

說云謂齊納樂盈以伐晉昭謂兄弟

魯也哀十一年春齊伐魯故其年吳會魯以伐齊

夫差不貫不忍被甲帶劍挺

鉞搢鐸遵汶伐博

博齊別都

蒼笠相望於艾陵

唐尚書云蒼夫須也昭謂

蒼笠備雨器也相望言不避暑雨艾陵之戰在上傳曰五月克博至于贏是也

天舍其衷齊師

還

言敗而還

夫差豈敢自多文武實舍其衷

文武二后也

歸不稔

於歲

言伐齊之明年不至於殺孰而復出師也

余沿江沂淮闕溝深水出於

商魯之間以徹於兄弟之國

兄弟諸姬也

夫差克有成事敢

使荀告於下執事

克能也成事成功也

周王答曰荀伯父命女來

明紹享余一人若余嘉之

周王景王子敬王弓也紹繼也享獻也繼先王之禮獻我

一人我心誠嘉之也

昔周室逢天之降禍遭民之不祥

說云謂民流厲王於

羣也昭謂子朝篡立敬王出奔民成周之民助于朝者

余心豈忘憂卹不唯下土

之不康靖

不但憂四方乃憂王室也

今伯父曰戮力同德

戮并也

伯父

若能然余一人兼受而介福

而女也介大也

伯父多歷年以沒

元身

元善也

伯父秉德已侈大哉

侈猶廣也

吳王夫差還自黃池息民不戒

戒微也

越大夫種乃倡謀

發始為倡

曰吾謂吳王將遂涉吾地今罷師而不戒以忘我

我不可以怠也日臣嘗卜於天

日昔日也卜於天天若棄吳必許吾成既罷弊

其民天奪之食安受其燼之言者

今吳民既罷

罷勞也

而大荒荐饑市無

赤米

赤米米之姦者今尚無有

而困鹿空虛

員曰困方曰鹿

其民必移就蒲

贏於東海之濱

蒲深蒲也贏蚌蛤之屬濱涯也

天占既兆

兆見也

人事又

見

謂怨誹也

我蔑卜筮矣王若今起師以會奪之利無使失

悛

悛改也

夫吳之邊鄙遠者罷而未至

罷歸也

吳王將恥不

戰必不須至之會也

不待遠兵

而以中國之師與我戰

中國國都

也

若事幸而從我

言從我而戰

我遂踐其地其至者亦將不

能之會也已

言吳邊鄙雖來將不能會戰

吾用禦兒臨之

禦兒越北鄙在今嘉

興言吳邊兵若至吾以禦兒之民臨敵之

吳王若愠而又戰

愠怒也

幸遂可出

使出奔

若不戰而結成

成平也

王安厚取名而去之越王曰

善哉乃大戒師將伐吳楚申包胥使於越

申包胥楚大夫王孫包胥

也

越王勾踐問焉曰吳國為不道求殘我社稷宗廟以

為平原弗使血食吾欲與之徼天之衷

徼要也

唯是車馬

兵甲卒伍既具無以行之

行猶用也

請問戰奚以而可

以用也

包胥辭曰不知

謙也

王固問焉乃對曰夫吳良國也

良善也

能博取於諸侯

取貢賦也

敢問君王之所以與之戰者

問政惠所

行也

王曰在孤之側者觴酒豆肉簞食未嘗敢不分也

觴爵

名豆肉器簞飯器

飲食不致味

致極也不極五味之調

聽樂不盡聲

不盡五聲

變之

求以報吳願以此戰包胥曰善則善矣未可以戰也

王曰越國之中疾者吾問之死者吾葬之老其老

敬長老也

慈其幼長其孤問其病求以報吳願以此戰包胥曰善

則善矣未可以戰也

此小惠未徧故未可用也

王曰越國之中吾寬

民以子之忠惠以善之吾脩令寬刑施民所欲去民所

惡稱其善掩其惡求以報吳願以此戰包胥曰善則善

矣未可以戰也王曰越國之中富者吾安之

不專取也

貧者

吾予之救其不足裁其有餘

裁謂有餘則稅之

使貧富皆利之

求以報吳願以此戰包胥曰善則善矣未可以戰也王

曰越國南則楚西則晉北則齊

西南北皆以中國言之

春秋皮幣

玉帛子女以賓服焉未嘗敢絕求以報吳願以此戰包

胥曰善哉歲以加焉然猶未可以戰也夫戰知為始仁

次之勇次之不知則不知民之極也無以銓度天下

之衆寡

銓稱也

不仁則不能與三軍共饑勞之殃不勇則

不能斷疑以發大計越王曰諾越王句踐乃召五大夫

五大夫舌庸苦成大

夫種范蠡舉如之屬曰吳為不道求殘吾社稷宗廟以

為平原不使血食吾欲與之徼天之衷唯是車馬兵甲

卒伍既具無以行之吾問於王孫包胥既命孤矣

命告也

敢訪諸大夫問戰奚以而可句踐願諸大夫言之皆以

情告無阿孤孤將以舉大事

阿曲從也

大夫舌庸乃進對曰

審賞則可以戰乎王曰聖

審賞實不失勞聖通也

大夫苦成進對

曰審罰則可以戰乎王曰猛

能罰則嚴猛也

大夫種進對曰審

物則可以戰乎王曰辯

說云別物善惡昭謂物旌旗物色徽幟之屬辯別也

大夫

蠡進對曰審備則可以戰乎王曰巧

備守禦之備巧審密不可攻入也

大夫臯如進對曰審聲則可以戰乎王曰可矣

聲謂鐘鼓進退

之聲聲不審則衆惑也

王乃命有司大令於國曰苟任戎者皆造

於國門之外

國門城門也

王乃令於國曰國人欲告者來告

欽定四庫全書

卷十九

三君云告不任兵事也昭謂告者謂有善計策及職事所當陳白者不任兵事則下所謂眩瞽之疾筋力不足以勝甲兵者告是也

告孤不審將為戮不利

不審謂欺詐不實也

過及五日

必審之

使熟思計之也

過五日道將不行

道術也過五日則晚矣軍當出也故術將

不王乃入命夫人王背屏而立夫人向屏

屏寢門內屏也王北向夫

人南

王曰自今日以後內政無出外政無入

內政婦職外政國事

內有辱是子也外有辱是我也吾見子於此止矣王遂

出夫人送王不出屏

婦人禮送迎不出門

乃闔左闔填之以土

闔陽

開陰示幽也

去筭側席而坐不埽

筭簪也去筭去飾也側猶特也禮憂者側席而坐

王背檐而立大夫向檐

說云檐屋外邊壇也唐尚書云屋名也昭謂檐謂之摘摘門戶

掩陽也

王命大夫曰食土不均地之不脩內有辱於國是

子也

均平也脩壅也

軍士不死外有辱是我也自今日以後內

政無出外政無入

內國政外軍政也

吾見子於此止矣王遂出

大夫送王不出檐

示當守備也

乃闔左闔填之以土側席而

坐不埽

示憂戚無飾也

王乃之壇列

壇在野所以講列士衆誓告之處

鼓而行

之至於軍

軍所軍之地也

斬有罪者以徇曰莫如此以環填通

相問也

環金玉之環填塞耳問遺也通行賂以亂軍

明日徙舍斬有罪者以

徇曰莫如此不從其伍之令明日徙舍斬有罪者以徇
曰莫如此不用王命明日徙舍至於禦兒斬有罪者以
徇曰莫如此淫逸不可禁也王乃命有司大徇於軍曰
有父母者老而無昆弟者以告

六十曰耆
七十曰老

王親命之曰

我有大事子有父母者老而子為我死子之父母將轉
於溝壑

轉入也

子為我禮已重矣

重矣去父
母而來也

子歸沒而父

母之世

沒終也

後若有事吾與子圖之明日徇於軍曰有

兄弟四五人皆在此者以告王親命之曰我有大事子

有昆弟四五人皆在此事若不捷則是盡也

捷勝也

擇子

之所欲歸者一人明日徇於軍曰有眩瞽之疾者告王

親命之曰我有大事子有眩瞽之疾其歸若已

若汝也已止也

後若有事吾與子圖之明日徇於軍曰筋力不足以勝

甲兵志行不足以聽命者歸莫告明日遷軍接和

上下皆和

也斬有罪者以徇曰莫如此志行不果

果勇決也

於是人有

致死之心王乃命有司大徇於軍曰謂二三子歸而不

歸處而不處

處止也

進而不進退而不退左而不左右而

不右身斬妻子鬻

鬻賣也

於是吳王起師軍於江北

江松江去

吳五十里

越王軍於江南越王乃中分其師以為左右軍

傳曰

越子伐吳吳子禦之笠澤夾水而陳在魯哀十七年

以其私卒君子六千人為中

軍

私卒君子王所親近有志行者猶吳所謂賢良齊所謂士也

明日將舟戰於江及

昏乃令左軍銜枚泝江五里以須

須須後命也

亦令右軍銜

枚踰江五里以須

踰度也

夜中乃令左軍右軍涉江鳴鼓

中水以須

夜中夜半也中水水中央

吳師聞之大駭曰越人分為二

師將以夾攻我師乃不待旦亦中分其師將以禦越

不知

越復有中軍故中分其師以禦之

越王乃令其中軍銜枚潛涉

潛嘿也涉度也

不鼓不譟以襲攻之吳師大北

軍敗奔走曰北北古之背字

越之左

軍右軍乃遂涉而從之又大敗之於沒

沒地名也

又郊敗之

郊郭外也

三戰三北

三戰笠澤也沒也郊也

乃至吳越師遂入吳國

圍王宮

王宮姑蘇

吳王懼使人行成曰昔不穀先委制於越

君

不言越委制於吳謙而反之也

君告孤請成男女服從孤無奈越之

先君何

言越先君與吳有好

畏天之不祥不敢絕祀許君成以至

于今今孤不道得罪於君王君王以親辱於弊邑孤敢

請成男女服為臣御越王曰昔天以越賜吳而吳不受

今天以吳賜越孤敢不聽天之命而聽君之命乎乃不

許成因使人告于吳王曰天以吳賜越孤不敢不受以

民生之不長長久也王其無死民生於地上寓也寓寄也其

與幾何言幾何時寡人其達王於甬句東達致也甬句東今句章東海口外洲

也夫婦三百唯王所安以沒王年夫婦各三百人以奉之在所安可與居者

夫差辭曰天既降禍于吳國不在前後當孤之身實失

宗廟社稷凡吳土地人民越既有之矣孤何以視於天

下夫差將死使人說於子胥

說告也

曰使死者無知則已

矣若其有知吾何面目以見員也遂自殺越滅吳

在魯哀二

十二年冬十二月

上征上國

上國中
國也

宋鄭魯衛陳蔡執玉之君

皆入朝

玉圭
璧也

夫唯能下其羣臣以集其謀故也

集成也
言下其

羣臣以明吳不用子胥之禍

國語卷十九

欽定四庫全書

國語卷二十

吳 韋昭 注

越語上

越王勾踐棲於會稽之上

山處曰棲會稽山名在今山陰南七里吳敗越于夫椒遂

入越越子保于會稽在魯哀元年

乃號令於三軍

號呼也

曰凡我父兄昆

弟及國子姓

號令三軍而言父兄昆弟者方在危阨親而呼之也國子姓言在衆子同姓之列者

有能助寡人謀而退吳者吾與之共知越國之政

知政謂為

卿

大夫種進對曰臣聞之賁人

賁人買賤賣貴者

夏則資皮

取資

也

冬則資絺

絺葛也精曰絺麤曰絺

旱則資舟水則資車以待乏

也夫雖無四方之憂然謀臣與爪牙之士不可不養而

擇也譬如蓑笠時雨既至必求之今君王既棲於會稽

之上然後乃求謀臣無乃後乎

後晚也

勾踐曰苟得聞子

大夫之言何後之有執其手而與之謀遂使之行成於

吳

傳曰使種因吳太宰嚭以求成也

曰寡君勾踐乏無所使使其下臣

種不敢徹聲聞於天王

徹達也

私於下執事曰寡君之師

徒不足以辱君矣

不足以屈辱君親來討也

願以金玉子女賂君之

辱請勾踐女女於王

進女為女

大夫女女於大夫士女女於

士越國之寶器畢從寡君帥越國之衆以從君之師徒

唯君左右之

左右在君所用也

若以越國之罪為不可赦也將

焚宗廟

為將不血食也

係妻孥

係繫也死生同命不為吳所禽虜

沈金玉於江

不欲吳得之

有帶甲五千人將以致死乃必有偶

偶對也

是以

帶甲萬人以事君也

言赦越罪是得帶甲萬人事君也

無乃即傷君王

之所愛乎與其殺是人也寧其得此國也其孰利乎

寧安

也言戰而殺是萬人與安而得越國二者誰為利乎

夫差將欲聽與之成子胥諫

曰不可夫吳之與越也仇讎敵戰之國也三江環之民

無所移

環繞也三江吳江錢塘浦陽江也此言二國之民三江繞之遷徙非吳則越也

有吳則

無越有越則無吳

言勢不兩立也

將不可改於是矣

言滅吳之計不可改

易也員聞之陸人居陸水人居水夫上黨之國

黨所也上所之國謂

中國也我攻而勝之吾不能居其地不能乘其車

言習俗之異也

說云吳是時未知以車戰申公巫臣使其子狐庸教之昭謂狐庸教吳魯成公時也至此哀元年歷五公矣非未知也吳地勢自習水耳夫越國吾攻而勝之吾能居其地吾能乘

其舟此利也不可失也已君必滅之失此利也雖悔之

亦無及矣越人飾美女八人納之太宰嚭

上官請大夫
美女於大夫

故因此而納美女於太宰嚭以求免也嚭吳正卿故楚大夫伯州犇之子也魯昭元年州犇為楚靈王所殺嚭

奔吳唐尚書云
平王殺之非也

曰子苟赦越國之罪又有美於此者將

進之太宰嚭諫曰嚭聞古之伐國者服之而已今已服

矣又何求焉夫差與之成而去之

成平也

勾踐說於國人

說解也

曰寡人不知其力之不足也而又與大國執讎

猶執

結也以暴露百姓之骨於中原此則寡人之罪也寡人請

更

更改也

於是葬死者問傷者養生者弔有憂賀有喜送

往者迎來者去民之所惡補民之不足然後卑事夫差

官士三百人於吳

將三百人以入事吳若官豎然

其身親為夫差前馬

前馬前驅在馬前也

勾踐之地南至于勾無

今諸暨有勾無亭是也

北至于

禦兒

今嘉興語兒鄉是也

東至于鄞

今鄞縣是也

西至于姑蔑

姑蔑今太湖是

也廣運百里

言取境內近者百里之中耳東西為廣南北為運

乃致其父兄昆

弟而誓之曰寡人間古之賢君四方之民歸之若水之

歸下也今寡人不能將帥二三子夫婦以蕃

蕃息也

命壯

者無取老婦令老者無取壯妻女子十七不嫁其父母

有罪丈夫二十不取其父母有罪

禮三十而娶二十而嫁今不待禮者務育

民將免者以告

免乳也

公令醫守之

醫乳醫也

生丈夫二壺酒

一犬生女子二壺酒一豚

犬陽畜知擇人豚主內陰類也

生三人公與

之母

母乳母也人生三者亦希耳

生二人公與之餼

餼食也

當室者死

三年釋其政

當室適子也禮父為適子喪三年

支子死三月釋其政

支子

必哭泣葬埋之如其子令孤子寡婦疾疹貧病者納

官其子

官仕也仕其子而教以稟食之也

其達士潔其居

潔其館舍

美其服

賜衣服也

飽其食

粟餽多也

而摩厲之於義四方之士來者必廟

禮之

禮之於廟告先君也

勾踐載稻與脂於舟以行

稻糜脂膏也

國之

孺子之游者無不舖也無不歆也必問其名

為後將用之

非

其身之所種則不食非其夫人之所織則不衣十年不

收於國民居有三年之食

古者三年耕必餘一年之食

國之父兄請

曰昔者夫差恥吾君於諸侯之國今越國亦節矣

有節度也

請報之勾踐辭曰昔者之戰也非二三子之罪也寡人

之罪也如寡人者安與知恥請姑無庸戰

姑且也庸用也

父兄

又請曰越四封之內親吾君也猶父母也子而思報父

母之仇臣而思報君之讎其有敢不盡力者乎請復戰

勾踐既許之乃致其衆而誓之曰寡人聞古之賢君不

患其衆之不足也而患其志行之少恥也

少恥謂進不念功臨難苟

免今夫差衣水犀之甲者億有三千

言多也犀形似豕而大今徵外所送

有山犀有水犀水犀之皮有珠甲山犀則無億有三千所謂賢良也若今備衛士

不患其志行

之少恥也而患其衆之不足也今寡人將助天威之

言夫

差天所不與故曰助天也吾不欲匹夫之勇也

匹夫輕儇微功要利者

欲其旅

進旅退也

旅俱也

進則思賞退則思刑如此則有常賞進

不用命

離伍獨追也

退則無恥

不畏戮辱

如此則有常刑果行國

人皆勸父勉其子兄勉其弟婦勉其夫

言得一國之歡心

曰孰

是君也而可無死乎

孰誰也誰有恩惠如是君者可不為之死乎

是故敗吳

於圓

圓笠澤也在魯哀十七年

又敗之於沒

沒地名在哀十九年

又郊敗之

在哀

二十年十一月越圍吳

夫差行成曰寡人之師徒不足以辱君矣

請以金玉子女賂君之辱勾踐對曰昔天以越與吳而

吳不受今天以吳與越越可以無聽天之命而聽君之

令乎吾請達王甬句東

甬甬江句章也達王出之東境

吾與君為二

君乎

待之若二君然

夫差對曰寡人禮先一飯矣

言已年長於越王覺差一

飯之間欲以少長求免也

君若不忘周室而為敝邑宸宇

宸屋雷宇邊也言越

君若以周室之故以屋宇之餘庇覆吳也

亦寡人之願也君若曰吾將殘女

社稷滅女宗廟寡人請死余何面目以視於天下乎越

君其次也

次舍也

遂滅吳

國語卷二十

欽定四庫全書

國語卷二十一

吳 韋昭 注

越語下

越王勾踐即位三年而欲伐吳

勾踐三年魯哀公元年

范蠡進諫

曰夫國家之事有持盈

持守也盈滿也

有定傾

定安也傾危也

有節事

節制也

王曰為三者奈何范蠡對曰持盈者與天

與天法天也

道盈而不溢盛而不驕

定傾者與人

與人取人之心也人道好謙傾危之中當卑辭尊禮玩好

女樂尊之以名

節事者與地

與地法地也時不至不可彊生事不完不可彊成之屬

王不

問蠡不敢言天道盈而不溢

陽盛則損月滿則虧

盛而不驕

盛元氣廣

大時也不驕不自縱弛也

勞而不矜其功

勞動而不已也矜大也不自大其功施而不德也

夫聖人隨時以行是謂守時

隨時時行則行時止則止

天時不作弗

為人客

作起也攻者為客起謂天時利害災變之應

人事不起弗為之始

人事

謂怨畔逆亂之萌也先動為始

今君王未盈而溢

未盈國未富實而君意溢也

未盛

而驕

道化未盛而自驕泰也

不勞而矜其功

未有勤勞而自大其功也

天時不

作而先為人客

吳未有天災而欲伐之

人事不起而創為之始此

逆於天而不和於人

天應未至人事不起故逆於天而失人和也

王若行之

將妨於國家靡王躬身

妨害也靡損也

王弗聽范蠡進諫曰夫

勇者逆德也

德尚禮讓勇則攻奪

兵者凶器也

言害人也

爭者事之末

也

言賢者脩其政德而遠方附事之德不行然後用武故曰爭者事之末也

陰謀逆德好用

凶器

陰謀兵謀也勇為逆德也

始於人者人之所卒也

始以伐人終害之

佚之事上帝之禁也

淫佚放濫也

先行此者不利王曰無是

貳言也吾已斷之矣

貳二也二言陰謀淫佚也

果興師而伐吳戰於

五湖

五湖今太湖也

不勝棲於會稽王召范蠡而問焉曰吾不

用子之言以至於此為之奈何范蠡對曰君王其忘之

乎持盈者與天定傾者與人節事者與地王曰與人奈

何

已在傾危故先問與人

范蠡對曰卑辭尊禮

言當卑約其辭尊重其禮以求平也

玩好女樂

玩好珍寶也女樂謂士女於士大夫女於大夫

尊之以名

謂之天王也

如此不已

不已謂吳不釋也

又身與之市

市利也謂委管籥屬國家以身隨之

王

曰諾乃令大夫種行成於吳曰請士女女於士大夫女

女於大夫隨之以國家之重器

重器寶器也

吳人不許大夫

種來而復往曰請委管籥屬國家以身隨之君王制之

委歸也屬附也管籥取鍵器也月令曰脩鍵閉慎管籥

吳人許諾王曰蠡為我守

於國對曰四封之內百姓之事蠡不如種也四封之外

敵國之制立斷之事種亦不如蠡也王曰諾令大夫種

守於國與范蠡入宦於吳

宦為臣隸也

三年而吳人遣之

勾踐

以魯哀元年棲會稽吳與之平而去之勾踐改脩國政然後卑事夫差在吳三年而吳人遣之此則魯哀五年

也歸及至於國王問於范蠡曰節事奈何

欲更脩政故問節事

對

曰節事者與地唯地能包萬物以為一其事不失

為一不偏

也不失不失時也

生萬物容畜禽獸然後受其名而兼其利

受其

名受其功名也利謂萬物終歸於地也

美惡皆成以養其生

物之美惡各有所宜皆成

之以養人也

時不至不可彊生

物生各有時也

事不究不可彊成

究窮

也窮則變生可因而成也

自若以處

若如也自如無妄動也

以度天下待其來

者而正之

不先倡待其來而就正之

因時之所宜而定之同男女之

功

功農穡絲象之功也

除民之害以避天殃田野開闢府倉實

貨財

曰府米粟曰倉

民衆殷

殷盛也

無曠其衆以為亂梯

曠空也梯階也無令空田

廢業使之困乏以生怨亂為禍階也

時將有反事將有間

時天時事人事也反還也間隙

也時還則胙在越而吳事有罅隙也

必有以知天地之恒制乃可以有天

下之成利

恒常也
制度也

事無間時無反

吳事無罅隙
天時未反

則撫民

保教以須之

保守也

王曰不穀之國家蠱之國家也蠱其

圖之對曰四封之內百姓之事時節三樂

三樂三時之
務使之勸事

樂業也

不亂民功不逆天時

從事有業故功不亂
因時順氣故不逆也

五穀睦

孰民乃蓄滋

睦和也蓄息
也滋益也

君臣上下交得其志蠱不如

種也

交俱也

四封之外敵國之制立斷之事因陰陽之恒

順天地之常

陰陽謂剛柔晦朔三光
縮用兵利鈍之常數也

柔而不屈

外雖
柔順

內不彊而不剛

內雖強威
行不以剛

德虐之行因以為常

唐尚書
云言無

德行虐習以為常昭謂德有所懷柔及爵賞也
虐謂有所斬伐及黜奪也以為常以為常法也
死生因

天地之刑

死殺也刑法也殺生必因天地四時之法推亡固存亦是也

天因人

因人善惡

而福禍之

聖人因天

天垂象聖人則之

人自生之天地形之

形見也見其吉

凶之象

聖人因而成之

因吉凶以誅賞

是故戰勝而不報

敵家不能報也

取地而不反

不復反敵家也

兵勝於外福生於內用力甚少而

名聲章明種亦不如蠡也王曰諾令大夫種為之

為治國也

四年王召范蠡而問焉

說云魯哀三年昭謂四年反國四年魯哀九年

曰先人

就世不穀即位

先人允常就世終世也

吾年既少未有恒常出則

禽荒入則酒荒吾百姓之不圖唯舟與車

好游田故唯舟與車

上

天降禍於越委制於吳

委歸也

吳人之那不穀亦又甚焉

那於也甚焉言見困苦也

吾欲與子謀之其可乎范蠡對曰未可也

蠡聞之上帝不考時反是守

考成也言天未成越當守天時天時反乃可以動也

彊索者不祥

索求也

得時不成反受其殃

言得天時而人弗能成則反受

其殃夫差克越可取而不取後復見滅是也

失德滅名汙走死亡有奪有予

有不予

有奪予而復奪也有予天所授也不予天所去也

王無蚤圖夫吳君王

之吳也王若蚤圖之其事又將未可知也

未可知或時不得也

王

曰諾

又一年

反國五年
魯哀十年

王召范蠡而問曰吾與子謀吳子曰

未可也今吳王淫於樂而忘其百姓

樂聲也

亂民功逆天

時信讒喜優

優謂俳
優也

憎輔遠弼

相道為輔
矯過為弼

聖人不出

聖通

也通知之人
皆隱遁也

忠臣解骨

賈唐二君云解骨子胥伏屬鏹
也昭謂是時子胥未死解骨謂

忠良之臣見其如此皆
骨體解倦不復念忠也

皆曲相御莫適相非上下相偷

其可乎

御猶將也言皆曲意取容轉相將望
無復相非以不忠正者也偷苟且也

對曰人事

至矣天應未也王姑待之王曰諾

又一年

反國六年魯哀十一年

王召范蠡而問焉曰吾與子謀吳

子曰未可也今申胥驟諫其王王怒而殺之其可乎

子胥

數諫王不聽知吳必亡使于齊屬其子于鮑氏王聞之賜之屬鏤以死在魯哀十一年

范蠡對曰

逆節萌生

害殺忠正故為逆節萌兆也

天地未形而先為之征

形見也天

地之占未見征征伐也

其事是以不成雜受其刑

雜猶俱也刑害也

王姑

待之王曰諾

又一年

反國七年魯哀十二年

王召范蠡而問焉曰吾與子謀吳

子曰未可也今其稻蟹不遺種其可乎

蟹食稻

對曰天應

至矣人事未盡也

謂飢困愁怨之事未盡極也

王姑待之王怒曰道

固然乎

固故也

妄其欺不穀邪吾與子言人事子應我以

天時今天應至矣子應我以人事何也范蠡對曰王姑

勿怪夫人人事必將與天地相參然後乃可以成功

參三天也

地人事三合乃可以成大功

今其禍新民恐

稻蟹新也

其君臣上下皆知

其資財之不足以支長久也

支猶堪也

彼將同其力致其死

猶尚殆

殆危也言伐吳於事尚危也

王其且馳騁弋獵無至禽荒

使越

王為此者示不以吳為念也

宮中之樂無至酒荒肆與大夫觴飲無

忘國常

肆放也常舊法也

彼其上將薄其德民將盡其力

言吳王見

越馳騁射獵不以為意必不脩德而縱私好以盡民力也

又使之望而不得食

怨望於上

而天又奪之食也

乃可以致天地之殛

殛誅也

王姑待之

且待時也自此

後四年乃遂伐吳

至於玄月

爾雅曰九月為玄謂魯哀公十六年九月至十七年三月越伐吳也

王召范蠡而問焉曰諺有之

諺俗之善語也

曰餽飯不及壺殮

餽大也大飯謂盛饌盛饌未具不能以虛待之不及壺殮之救飢疾也言已欲滅吳取快意得之而已不能待

有餘力也

今歲晚矣子將奈何范蠡對曰微君王之言

微無也

臣固將謁之

謁請也請伐吳也

臣聞從時者猶救火追亡人也

蹶而趨之唯恐弗及

蹶走也

王曰諾遂興師伐吳至於五

湖吳人聞之出而挑戰一日五反王弗忍欲許之

不忍其忿

也范蠡進諫曰謀之廊廟失之中原其可乎王姑勿許

也臣聞之得時無怠時不再來天予不取反為之灾羸

縮轉化後將悔之

羸縮進退也轉化變易也

天節固然

固然有轉化也

唯謀

不遷

謀必素定不可遷移

王曰諾弗許范蠡曰臣聞古之善用兵

者

謂若黃帝湯武也

羸縮以為常四時以為紀

以為常隨其羸縮紀猶法也四

時有轉運用兵有利鈍也周語曰王欲合是五位三所而用之是也無過天極究數而止

極至也究窮也無過天道之所至窮其數而止也

天道皇皇日月以為常

皇皇著明

也常

明者以為法微者則是行

明謂日月盛滿時也微謂虧損薄蝕時也法其

明者以進取行其微時以隱遁

陽至而陰陰至而陽

至極

日困而還月

盈而匡

困窮也匡虧也

古之善用兵者因天地之常與之俱行

隨其運轉虧盈晦明之常也

後則用陰先則用陽

後後動先先動也用陰謂沈重固密

用陽謂輕疾猛厲

近則用柔遠則用剛

敵近則用柔順示之以弱遠則抗威厲辭以亢

衆後無陰蔽先無陽察

後動者泰舒靜為陰蔽也先動者泰顯露為陽察也

用人

無藝往從其所

藝射的也無藝無常所也行軍用人之道因敵為制不豫設也故曰往從其所

剛彊以禦陽節不盡不死其野

言敵以剛強來禦已其陽節未盡尚未可克故

曰不死其野

彼來從我固守勿與

勿與之戰也

若將與之必因天

地之災

彼有災變則可

又觀其民之飢飽勞逸以參之

言雖有災民尚

逸飽則未也

盡其陽節盈吾陰節而奪之利

彼陽勢已盡而吾陰節盛滿則

能奪之也

宜為人客剛彊而力疾陽節不盡輕而不可取

先動

為客於時宜為人客剛強力疾陽數未盡雖輕易人猶不可得取也

宜為人主安徐而重

固陰節不盡柔而不可迫

時宜為人主安徐重固陰數未盡雖柔不可因迫也

凡

陳之道設右以為牝益左以為牡

陳有牝牡使相受也在陰為牝在陽為牡

蚤晏無失必順天道

晏晚也

周旋無究

究窮也無窮也若日月然也

今其

來也剛強而力疾

言吳陽勢未盡未可擊也

王姑待之王曰諾弗與

戰居軍三年吳師自潰

魯哀二十年冬十一月越圍吳二十二年冬十一月丁卯滅吳

吳王帥其賢良與其重祿以上姑蘇

姑蘇宮之臺也在吳閶門外近湖或

云賢賢妃良良貨唐尚書云重祿實璧昭謂賢良親近之士猶越宿君子齊言士也吳語曰越王以其私卒君

子六千人為中軍賈侍中云重祿大臣也

使王孫雄行成於越

雄吳大夫王孫姓也曰

昔者上天降禍於吳得罪於會稽

使越棲於會稽時也

今君王其

圖不穀不穀請復會稽之和王弗忍欲許之范蠡進諫

曰臣聞之聖人之功時為之庸

庸用也 因天時以為功用

得時弗成

天有還形

還反也 形體也

天節不遠五年復反

節期也 五年再閏天數一終故

復反也

小凶則近大凶則遠

小凶謂危敗大凶謂死滅近五年遠十年或二十年也

先人有言曰伐柯者其則不遠

先人詩人也 執柯以伐柯其法不遠以言吳昔

不滅越故有此敗此戒亦不遠也

今君王不斷其忘會稽之事乎王曰

諾不許使者往而復來辭俞卑禮俞尊

俞益也

王又欲許

之范蠡諫曰孰使我蚤朝而晏罷者非吳乎與我爭三

江五湖之利者非吳邪夫十年謀之一朝而棄之其可

乎十年不收於國勤身以謀吳也王姑勿許其事將易冀已冀望也易望已不動

難也王曰吾欲勿許而難對其使者子其對之范蠡乃左

提鼓右援枹以應使者提挈也曰昔者上天降禍於越委

制於吳而吳不受今將反此義以報此禍吾王敢無聽

天之命而聽君王之命乎王孫雄曰子范子先人有言

曰無助天為虐助天為虐者不祥今吾稻蟹不遺種子

將助天為虐不忌其不祥乎忌惡也范蠡曰王孫子昔吾

先君固周室之不成子也子爵也言越本蠻夷小國於周室爵列不能成子周禮諸

子之國封疆
方二百里

故濱於東海之陂

濱近也
陂崖也

鼃鼃魚鼃之與

處而鼃鼃之與同階

鼃鼃蝦蟆也
水邊亦曰階

余雖覷然而人面哉

吾猶禽獸也又安知是譏譏者乎

覷面目之貌也
譏譏巧辯之言也
方欲拒

吳之請故自卑薄
以不知禮義也

王孫雄曰子范子將助天為虐助天

為虐不祥雄請反辭於王

謂以辭
告越王

范蠡曰君王已委制

於執事之人矣

執事蠡
自謂也

子往矣無使執事之人得罪於

子

無使我為
子得罪也

使者辭反

反報
吳也

范蠡不報於王擊鼓興師

以隨使者至於姑蘇之宮不傷越民遂滅吳

事將易
冀是也

反

至五湖范蠡辭於王曰君王勉之臣不復入越國矣

王勉

以德欲
隱通也

王曰不穀疑子之所謂者何也對曰臣聞之

志

人臣者君憂臣勞君辱臣死昔者君王辱於會稽臣所以不死者為此事也今事已濟矣蠡請從會稽之罰王曰所不掩子之惡揚子之美者使其身無終沒於越國子聽吾言與子分國不聽吾言身死妻子為戮范蠡對曰臣聞命矣君行制臣行意

制法也
意志也

遂乘輕舟以浮於

五湖莫知其所終極王命工以良金寫范蠡之狀而朝

禮之

以善金鑄其形狀而自朝禮之

浹日而令大夫朝之

從甲至甲曰浹浹匝也

環會稽三百里者以為范蠡地

環周也

曰後世子孫有敢

侵蠡之地者使無終沒於越國

誓告也

皇天后土四鄉地

主正之

鄉方也天神地祇四方神主當征討之正其封疆也

